



АҚПАРАТТЫҚ ХАБАР

2018 жылғы 5 наурыз

Д. Ақышев - Базалық мөлшерлеме 9,5 %-ға дейін төмендетілді

Ұлттық Банк +/-1% симметриялық дәлізбен базалық мөлшерлемені 9,5%-ға дейін төмендету туралы шешім қабылдады. Бұл туралы Ұлттық Банк Төрағасы Данияр Ақышев бүгін телевизиялық БАҚ үшін базалық мөлшерлеме бойынша брифингте баяндама жасаған кезде айтып берді.

Ол банктерге өтімділік беру операциялары бойынша мөлшерлемелер тиісінше 10,5%-ға дейін, ал өтімділікті алу операциялары бойынша 8,5%-ға төмендегенін атап өтті. Ресми қайта қаржыландыру мөлшерлемесі де 9,5%-ға дейін төмендетілді.

«Бұл ағымдағы жылы базалық мөлшерлеменің екінші төмендеуі. Базалық мөлшерлеменің төмендеуі біріншіден, өткен жылғы желтоқсаннан байқалатын инфляциялық аяның жақсаруын көрсетеді, екіншіден, орта мерзімді аралықта инфляциялық процестердің одан әрі төмендеуіне біздің сенімділігімізді көрсетеді», - деді Д. Ақышев.

Қаржы реттеушісі басшысының айтуынша, осы орайда ақша-кредит талаптары бейтарап ретінде сипатталады: «Біз өз шараларымыз арқылы инфляцияның төмендеуін тездетпейміз. Инфляциялық күтулерді біртіндеп орнықтыруға ықпал етеміз».

Базалық ставканың одан әрі серпініне қатысты Д. Ақышев Ұлттық Банк 2018 жылы оны біртіндеп төмендету саясатын жалғастыратынын атап өтті: «Ол үшін барлық алғышарттар бар. Инфляция деңгейін одан әрі төмендету және инфляцияның болашақ деңгейінің орта мерзімді нысаналы дәлізге сәйкес келуі, 2020 жылы 4%-ға қолжетізу маңызды талап болады».

Базалық мөлшерлеме бойынша кезекті шешім 2018 жылғы 16 сәуірде Астана уақытымен 17:00-де жария етіледі.

Д. Ақышев – Инфляция нысаналы дәлізге толық сәйкес келеді

2018 жылдың басынан бастап жылдық инфляция Ұлттық Банк күткендегіден тез қарқынмен баяулауда. Екі ай ішінде ол 7,1%-дан 6,5%-ға дейін төмендеді және 2018 жылға арналған 5-7% нысаналы дәлізге толық сәйкес келеді. Бұл туралы Ұлттық Банк Төрағасы Данияр Ақышев бүгін телевизиялық БАҚ үшін базалық мөлшерлеме бойынша брифингте баяндама жасаған кезде айтып берді.

«Бағаның төмендеу серпіні ең алдымен ішкі нарықтағы тауарлар ұсынысының өсуінен орын алды. Өткен жылы тауар нарықтарында ұсыныстың шектелуі, атап айтқанда жеміс-көкөніс өнімі, жанар-жағар май материалдары нарығында болды. Энергия тасымалдауыштар нарығындағы күйзелістерге жауап ретінде түзету нәтижесі болған жекелеген нарықтағы тауарлардың қымбаттауы шамалы және қысқа мерзімді болды. Қазір ахуал қалпына келіп, ұсыныстар іс жүзінде сарқылды», - деді Д. Ақышев.

Ол тұтыну бағаларының серпініне шектеулі ішкі тұтыну сұранысы әсер еткенін,

оның халықтың нақты ақшалай кірістерінің теріс серпініне байланысты туындағанын атап өтті. Бұдан басқа, сауда әріптес елдерде инфляцияның төмен деңгейі де инфляция импортының баяулауын көрсетеді.

Қаржы реттеушісі басшысының айтуынша, ағымдағы жылы инфляциялық тәуекелдер сипатының өзгеруі байқалады. Өткен жылы нысаналы дәліздің жоғары шегінен асып кету тәуекелі болды, биыл инфляцияның оның төмен шегінен аз қалыптасу тәуекелі бар. Ұлттық Банктің бағалауынша, күйзелістер болмаса, жекелеген тауар нарықтарында инфляция жыл соңында 5%-дан аз болуы мүмкін. Алайда төмен инфляция аясындағы халық кірістерінің қалпына келуі 2019 жылы 4-6 % жаңа нысаналы дәлізге қол жеткізуді қамтамасыз етеді.

«Инфляциялық күтулердің төмендеуі байқалуда. Халыққа жүргізілген пікіртерім нәтижелері бойынша, 2018 жылғы қаңтарда бір жыл бұрын күтілетін инфляцияны бағалау 2017 жылғы қарашадағы 7,7% жоғары мәннен 6,6%-ға дейін төмендеді. Өткен жылы тауарлар бағасы бұрынғыға қарағанда, өткен жылғы желтоқсанда 52%-дан 47%-ға дейін тез өсті деп есептейтін халықтың үлесі төмендеуде. Осылайша, пікіртерім нәтижелері халықтың іс жүзіндегі және болашақтағы инфляцияны қабылдаудың жақсаруы туралы куәландырады», - деді Д. Ақышев.

Д. Ақышев – Экономикалық белсенділік сенімді өсуді көрсетуде

Экономикалық белсенділік сенімді өсуді көрсетіп отыр. Ол өндірістік сектордағы белсенділікке байланысты. Қаңтардың қорытындысы бойынша қысқа мерзімді экономикалық индикатор 104,7% болды. Бұл туралы Ұлттық Банк Төрағасы Данияр Ақышев бүгін телевизиялық БАҚ үшін базалық мөлшерлеме бойынша брифингте баяндама жасаған кезде айтып берді.

Ол сыртқы нарықтағы және сауда әріптес елдердегі ахуал жағымды ретінде сипатталатынын атап өтті. «Энергия ресурстарына әлемдік баға өсуде. Ақпанның бірінші жартысында мұнайға баға белгіленімнің уақытша төмендеуіне қарамастан, орташа алғанда мұнай бағасы бір баррель үшін 65 доллардан жоғары деңгейде қалыптасты. Нәтижесінде сыртқы сұраныс қалпына келіп, мұнай өндіру көлемі өсуде», - деді Д. Ақышев.

Азық-түлікке әлемдік баға серпіні инфляцияның баяулауына ықпал етеді. ФАО азық-түлік бағалар индексі өткен жылдың тиісті кезеңімен салыстырғанда 2,7%-ға төмендеді.

Д. Ақышев ішкі қаржы нарығындағы ахуал туралы айтып берді

Ақпанда алдын ала деректер бойынша Ұлттық Банктің алтынвалюта резервтері 0,3%-ға өсіп, 31,4 млрд. АҚШ доллары болды. Ұлттық қордың валюталық активтері 59,4 млрд. АҚШ долларына дейін ұлғайды. Елдің халықаралық резервтері жиынтығында 90,8 АҚШ млрд. долларды құрады.

Бұл туралы Ұлттық Банк Төрағасы Данияр Ақышев бүгін телевизиялық БАҚ үшін базалық мөлшерлеме бойынша брифингте баяндама жасаған кезде айтып берді.

«Ақша нарығында артық өтімділік сақталуда. Ол проинфляциялық қысымды шектеу мақсатында көп жағдайда ноттарды шығару арқылы алынады. Ақпанның соңында Ұлттық Банктің өтімділікті таза алуы (ашық позиция) 3,1 трлн. теңге болды. 2018 жылғы ақпанның соңында айналыстағы қысқа мерзімді ноттардың көлемі 26%-ға ұлғайып, 4 трлн. теңге болды. Ақпанда ноттар бойынша кірістілік мерзімділігіне қарай 8,67-9,02% аралығында болды», - деді Д. Ақышев.

Сонымен бірге ол ҚРҰБ ашық позициясының көлемі тікелей РЕПО операциялары бойынша 151,3 млрд. теңге, кері РЕПО операциялары бойынша – 185,3 млрд. теңге, Ұлттық Банктегі банк депозиттері – 282,4 млрд. теңге болғанын айтты. TONIA мөлшерлемесі базалық мөлшерлеменің пайыздық дәлізінің төмен шегіне жақын қалыптасуда. 2018 жылғы 3 наурыздағы жағдай бойынша ол 8,76% болды.

Толығырақ ақпаратты мына телефон арқылы алуға болады:

+7 (727) 270 45 85

e-mail: press@nationalbank.kz

www.nationalbank.kz